



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput LXXXVIII. Definitio & divisio cambii.

[urn:nbn:de:hbz:466:1-73203](#)

cio periisset, si periisset; utrique etiam salva esse debeat, dum salva est.

Solvantur objections.

938 **O**bicies 1°. æqualitas postulat, ut in casu trium priorum regularum fors dividatur. Cùm enim opera transeat, collator operæ eam amitteret, ubi pecuniaæ collator, præter lucrum, eam salvam haberet. Nec refert quod opera collator lucri participes foret: tum quia lucrum sèpè non accedit ad valorem operæ. Tum quia contingit lucrum non esse: quo tamen casu alter focus pecuniam suam recipit.

Respondeo negando antecedens. Ad ejus probationem nego consequentiam; semper enim præ oculis habendum æqualitatem societatis solum esse servandam, in iis quæ communicata sunt in societate; in quibus æqualitas servatur juxta regulas illas. Dum enim lucrum contingit, illius participes est. Dum non contingit, vel contingit lucrum minus æstimatione operarum, fortuna est, cui similem patitur collator pecuniaæ: utpote qui etiam tunc non refert fructum applicationis pecuniaæ suæ, vel refert minorem æstimatione illius. Nec prior aliter perdit operam, quam posterior applicationem pecuniaæ suæ, quæ applicatio transiens est sicut opera. Per consequens utrumque magis perit ex naturæ necessitate, quam ex ipsa societate. Denique sicut isti, salvâ pecuniaâ, salva manet facultas ad similes applicationes; sic illi salva manet facultas ad similes operas.

939 **O**bicies 2°. saltē in casu quo opera pluris æstimatur, quam spes fructus applicationis pecuniaæ, hujus collator tenetur maiorem illam æstimationem, vel pecuniaæ collatae communicatione, vel aliter compensare. Alias non servatur æqualitas. Ad quam servandam aliqui sic procedendum putant, ut initio societatis ex una parte spes lucri pecuniaæ, attentis periculo fortis, & expensis, ex alia parte spes lucri operarum, deductis expensis, æstimentur pecunia; ex qua fiat una fors, seu capitale, cuius dominium sociis cedat ad negotiandum; & in fine societatis, una cum lucro dividatur proportionaliter ad id quod formaliter vel æquivalenter quisque contulerit.

Respondeo negando antecedens, quia major æstimatione operæ satis compensatur spe majoris lucri, propter majorem æstimationem istam, à collatore opera percipiendi. Perinde ac si loco opera pecuniam majoris æstimationis contulisset. Nec verum est operam subinde pluris æstimari, quam spem lucri: quia æstimatione opera fit in ordine ad fructum, quem hic & nunc speratur probabiliter relatura; adçoque à proportione crescit & decrescit, quam crescit vel decrescit spes fructus ipsius.

C A P U T LXXXVIII.

Definitio & divisio cambii.

Cambium est permutatio pecuniaæ cum pecunia, quod quantitatem, vel speciem, vel locum diversâ, cum lucro camporis.

Dicitur 1°. *permutatio*, quia cambium dictum est à verbo cambire, quod est permuteare. Unde excluduntur contractus, quibus non fit permutatio.

2°. *pecunie cum pecunia*, ut excludantur permutationes rerum à pecunia diversarum, v. g. frumenti pro vino, sicut & permutationes pecuniaæ cum merce, quæ ad contratum emptionis & venditionis pertinent.

3°. *quoad quantitatem, vel speciem, vel locum diversâ*, per quod distinguitur à mutuo, quo reddi potest pecunia eadem, & in cambio reddi debet aliquo modo diversa, saltē quoad locum. Ab eo quoque differt, quod cambium circa pecuniam tantum, mutuum etiam circa alia veretur. Denique quod in mutuo fors diverso tempore necessario restituatur, in cambio vero reddi possit codem tempore.

4°. *cum lucro camporis* (qui aliter nummularius, bancarius, & colibista dicitur) quia, ut S. Thomas opusc. 73. ait, *actus camparius non debet fieri gratis*, sicut actus mutui.

Cambium aliud verum, aliud fictum. Verum, seu reale, est quod verè, id est sine fictione celebratur. Fictum, seu fictum (indictum, quia caret humore ad fructificandum, sive titulo ad lucrandum) est quo quis pecuniam pro pecunia permuteare finit; reverā tamen mutuat, sive cambii nomine mutuum palliat: quia v. g. fingit pecuniam alibi à se numerandam, quam tamen hīc reverā numerat. Unde patet, cambium istud usurarium esse.

Cambium reale dividitur in manuale, seu minutum; & locale, seu per litteras; & temporale, sive ad terminum. *Minutum* est permutatio pecuniaæ pro pecunia diversæ monetæ, minoris utique monetæ pro majori eodem loco. *Locale* est permutatio pecuniaæ extantis uno loco, pro pecunia extante alio loco, ut si campiori accipiat pecuniam Bruxellis pro pecunia numeranda Romæ. *Temporale* est quo praesimaliter numeratur pecunia, pro pecunia in futurum, sive ad conditum terminum numeranda, v. g. in nundinis Francofurtensis.

C A P U T LXXXIX.

Rationes, seu tituli justificantes lucrum ex cambio reali, sive minutio, sive locali.

Primus titulus, utrique cambio communis, est ratione officii cambiandi, sive pu-